

**QO'QON TUMANLARARO  
IQTISODIY SUDI**



**KOKAND INTER-DISTRICT  
ECONOMIC COURT**

150700, Qo'qonshahar, I.Buxoriyko'chasi, 37

150700, Kokand, I.Bukhari street, 37

Tel: (+99873) 543-48-15

e-mail: i.quqon@sud.uz

**А Ж Р И М**

*(даъво аризасини кўрмасдан қолдириш)*

**Қўқон шаҳри**

**2022 йил 16 июнь**

**4-1502-2201/606-сон иш**

Қўқон туманлараро иқтисодий суди, судья Ж.Эргашевнинг раислигида, судья ёрдамчиси Д.Маматкуловнинг суд мажлиси котиблигида, Фарғона вилоят прокурорининг даъвогар “Қўқон дон маҳсулотлари” АЖ манфаатида жавобгар «QO'CHQORALI SAMINJON» фермер хўжалигидан 1.066.128.565 сўм ундириш тўғрисидаги даъво аризаси бўйича ишни Қўқон шаҳар прокурори ёрдамчиси лавозимида иш ўрганувчи Н.Носиров катнашувида, даъвогар вакили А.Турғунбоев (ишончномага асосан)нинг иштирокида, суднинг биносида ўтказилган очик суд муҳокамасида кўриб чиқиб, қуйидагиларни

**а н и қ л а д и :**

Фарғона вилоят прокурори “Қўқон дон маҳсулотлари” АЖ (бундан буён матнда даъвогар деб юритилади) манфаатида судга даъво аризаси билан мурожаат қилиб, «QO'CHQORALI SAMINJON» фермер хўжалиги (бундан буён матнда жавобгар деб юритилади)дан 1.066.128.565 сўм ундиришни сўраган.

Суд мажлисида Қўқон шаҳар прокурорининг ёрдамчиси даъвони каноатлантириш ҳақида фикр билдирди.

Суд мажлисида даъвогар вакили тушунтириш бериб, жавобгар билан медиатив келишув тузилганлигини, уни судга такдим этишини билдириб, суддан қонуний тўхтамга келишни сўради.

Жавобгар ишни кўриш вақти ва жойи ҳақида белгиланган тартибда хабардор этилган, лекин суд мажлисида вакил иштирокини таъминламаган.

Суд ишни унинг иштирокисиз кўришни лозим топди.

Суд иш хужжатларига баҳо бериб, қуйидаги асосларга кўра даъвони кўрмасдан қолдиришни лозим топди:

Аниқланишича, даъвогар ва жавобгар ўртасида тузилган контрактация шартномасига кўра жавобгар даъвогардан 439,6 тонна 1.066.128.565 сўмлик уруғлик олган.

Жавобгар шартнома шартларини бузиб, тўловларни белгиланган муддатларда тўламаганлиги сабабли даъвогар судга даъво аризаси билан мурожаат қилган.



Ишни суд мажлисида кўриш жараёнида ишда иштирок этувчи шахслар ўртасида медиатор иштирокида медиатив келишув тузилган. Бу келишув ваколатли шахслар томонидан имзоланган.

Ўзбекистон Республикаси Иқтисодий процессуал кодекси 107-моддасининг 53-бандида тарафлар ўртасида медиатив келишув тузилган бўлса, суд даъво аризасини кўрмасдан қолдириши белгиланган.

Шу асосда, суд мазкур даъво аризасини кўрмасдан қолдиришни лозим топади.

“Давлат божи тўғрисида”ги Ўзбекистон Республикаси Қонунининг 18-моддаси 9-бандида, агар тарафлар ўртасида медиатив келишув тузилган бўлса, ариза кўрмасдан қолдирилганда давлат божи қайтарилиши лозимлиги назарда тутилган.

Демак, иш бўйича давлат божи ундирмаслик, жавобгардан даъвогарга олдиндан тўланган почта харажатини ундириш лозим бўлади.

Баён этилганларга кўра ҳамда ИПКнинг 107, 118, 195, 196-моддаларини қўллаб, суд

### **АЖРИМ ҚИЛДИ:**

Даъво аризаси кўрмасдан қолдирилсин.

“Қўқон дон маҳсулотлари” АЖга «QO'CHQORALI SAMINJON» фермер хўжалигидан 21.600 сўм почта харажати ундирилсин.

*Ажрим устидан бир ойлик муддатда шу суд орқали Фарғона вилоят судининг иқтисодий ишлар бўйича судлов ҳайъатига апелляция тартибида шикоят қилиши (протест келтириши) мумкин.*

**Раислик этувчи**

**Ж.Эргашев**

